

Flugeldar

29. desember 2016

KYNNINGARBLAÐ



NORDICPHOTOS/GETTY

Fylgið leiðbeiningum um flugelda

Það er ýmislegt sem hafa þarf í huga þegar kemur að áramótum og eitt og annað sem ber að varast. Öll meðferð flugelda er varasöm og ætti að fylgja leiðbeiningum sem eiga að vera á hverjum og einum þeirra í hvívetna. Stranglega er bannað að nota flugelda á brennum.

Lilja Björk
Hauksdóttir

liljabjork@365.is



Á öllum seldum flugeldum eiga að vera leiðbeiningar. Þar kemur fram hvernig fara á með flugeldinn, aldurstakmörk, hvort halda megi á honum og fleira. Kjartan Sigurðsson, verkefnastjóri á forvarnarsviði Slökkviliðs höfuðborgarsvæðisins, segir að þegar skjóta eigi flugeldum á loft sé mikilvægt að stífa þá vel af og gæta þess að fjarlægðarmörk séu virt. „Það er ekki nóg að fólk sé í hæfilega mikilli fjarlægð heldur þarf líka að hugsa um húsnæði. Þó það sé alltaf verst að flugeldar fari í fólk þá geta þeir líka valdið tjóni ef þeir skjótast inn. Mikilvægt er að virða að öllu leyti það sem segir í leiðbeiningunum á flugeldunum. Svo eiga auðvitað allir að vera með öryggisglæraugu og þeir sem höndla með flugeldana að vera allsgáðir.“

Samkvæmt Kjartani er best að hafa rör sem lamið er niður í jörðina til þess að setja rakettur í áður en þær eru settar á loft. „Það er ekki gott að nota gosflöskur til að setja flugeldana í, þær eru ekki nógu stöðugar. Einhverjir hafa farið þá leið að teipa saman

nú stórar gosflöskur og sett vatn í þær og þá er kominn ágætis pallur til að nota en ein er ekki nóg,“ útskýrir hann.

Eftirlit með sölustöðum

Klæðnaður má ekki vera þannig að hann geti auðveldlega brunnið ef eldur kemst að honum þegar verið er að skjóta upp flugeldum eða halda á blysum. „Fólk ætti ekki að vera í nælonúlpum eða öðru sem er mjög eldfimt.“

Margir flugeldasölustaðir eru í gámum og hefur þeim farið fjölgaandi á undanförunum árum á kostnað þeirra sem eru í hefðbundnu húsnæði. Í ár eru sölustaðirnir alls um 55 en hafa verið í kringum sextíu áður. Haft er eftirlit með öllum sölustöðum flugelda allt sölutímabilið og sér slökkviliðið um það í samvinnu við lögregluna. „Við erum með sérstakar verklagsreglur sem við settum okkur fyrir nokkrum árum. Með þeim minnkadi það magn flugelda, sem heimilt er að sé inni á hverjum sölustað, til muna. Við erum alltaf að reyna að bæta öryggið á sölustöðunum,“ segir Kjartan.

Engir flugeldar á brennu

Þegar haldið er á brennu um áramótin þarf fólk fyrst og fremst



Kjartan Sigurðsson, verkefnastjóri á forvarnarsviði Slökkviliðs höfuðborgarsvæðisins, segir að það allra mikilvægasta þegar kemur að forvörnum sé að öll heimili séu með reykskynjara, slökkvitæki og eldvarnarteppi. MYND/GVA

og að sjálfsögðu að passa að fara ekki of nálægt brennunni. Kjartan segir að í dag sé mikið eftirlit með brennunum. Slökkviliðið

gefur umsögn og leyfi fyrir þeim og ábyrgðarmenn brennanna eru á svæðinu. „Mikið eftirlit er með brennunum, hvað fer á þær og

stærð þeirra. Það er alltaf haldinn fundur fyrir gamlárskvöld með veðurfræðingi og kannað hvernig veðurútlit sé og slíkt er allar ákvarðanir þar að lútandi eru teknar í tíma,“ lýsir Kjartan og bætir við að það sé algjörlega bannað að hafa flugelda á brennum. „Það er leyfilegt að vera með stjörnuljós en ekkert annað.“

Kjartan segir að það allra mikilvægasta þegar kemur að forvörnum sé að öll heimili séu með reykskynjara, slökkvitæki og eldvarnarteppi. „Það þarf svo að passa að reykskynjararnir séu virkir, að í þeim sé rafhláða.“

Um jólin, þegar mikið er um skreytingar og kerti, þarf að muna að aldrei á að skilja logandi kerti eftir í mannláusu rými. Um seríurnar sem hanga víða uppi um þessar mundir gildir það ekki endilega. „Þegar seríur eru settar upp þarf að athuga hvort það sé í lagi með allar þær og að það sé ekkert sambandsleysi þegar serían er hreyfð. Ef svo er ætti að vera í lagi að láta seríurnar loga, sérstaklega þær sem eru með LED-þær en þær hitna ekki. Það þarf einnig að huga að því að seríurnar liggi ekki upp við eitthvert brennanlegt efni,“ segir Kjartan.

Borgir með bestu flugeldasýningarnar

Það eru fleiri borgir en Reykjavík sem státa af glæsilegum flugeldasýningum um áramótin. Við snögga yfirferð á alnetinu eru nokkrar borgir sem standa uppúr þegar kemur að flugeldaupplifun. Þar skiptir ekki aðeins máli magn flugelda heldur einnig fagur bakgrunnur.



LAS VEGAS

Ef það er eitthvað sem gert er vel í Las Vegas í Bandaríkjunum er það íburður og sjónarspil. Á því er engin breyting á gamlárskvöldi. Aðalgötunni er lokað fyrir umferð þetta kvöld og á miðnætti halda öll spilavítin í götunni samstillta flugeldasýningu.



SYDNEY

Flugeldasýningin á gamlárskvöldi í Sydney í Ástralíu á fáa sína líka. Í raun er um tvær sýningar að ræða. Fjölskyldusýningu klukkan 21 og aðalsýningu á miðnætti þegar sprengt er af nokkrum prömmum úti á höfninni og nokkrum byggingum. Flugeldunum er skotið á loft í takt við tónlist sem hljómar um allt hafnarsvæðið en sýningin stendur í 12 mínútur.

Báðum sýningum er sjónvarpað um alla Ástralíu og þeirri seinni um allan heim. Nýtt þema er í hverri sýningu en yfir milljón manns koma niður á höfn ár hvert til þess að fylgjast með sjónarspilinu.



LONDON

Nýja árinu er fagnað í London með flugeldasýningu sem haldin er við ána Thames nærri London Eye og Big Ben. Klukkan fræga sér um niðurtalninguna að miðnætti auk þess sem tölum er varpað á Shell Centre-bygginguna. Flugeldunum er skotið frá London Eye um miðnætti og stendur sýningin í átta mínútur eða svo. Í ár mun BBC mynda flugeldasýninguna frá 360 gráða sjónarhorni.



RIO DE JANEIRO

Flugeldasýningin á Copacabana-ströndinni í Rio de Janeiro í Brasilíu er viðfræg. Gamlaströndin rennur upp um mitt sumar í Brasilíu og margir eru í sumarfríi. Upplifunin er því allt önnur en víða annars staðar í heiminum, enda hægt að fylgjast með sjónarspilinu léttklæddur á ströndinni.




DÚBAÍ

Í Dúbaí skiptir öllu máli að gera allt mest, best og dýrast. Sett var heimsmet í borginni árið 2014 þegar 479.651 sprengja var sprengd í sex mínútna langri sýningu. Flugeldasýningar fara fram við frægar byggingar á borð við Burj Khalifa, Burj Al Arab og Palm Jumeirah.



BERLÍN

Eitt stærsta götupartí Evrópu má finna í Berlín í Þýskalandi á gamlárskvöld þegar um milljón manns safnast saman milli Brandenborgarhliðsins og Sigursúlunnar. Aðalhátiðahöldin fara fram við Brandenborgarhliðið þar sem fjöldi hljómsveita spilar og flugeldum er skotið á loft um miðnætti.



Súper Flugeldar

Á SÚPER VERÐI

20% - 60%

AFSLÁTTUR!

28 OG 29 DESEMBER!

OG SVO

VÍKURHVARFI 1, KÓPAVOGI
OG

NJARÐARBRAUT 1,
REYKJANESBÆ

SÚPER KAUPAUKI

20% - 60%

KAUPAUKI

30 OG 31 DESEMBER!

BOMBA flugeldar

Geggjjuð tilboð!

TILBOÐ 1

Eiríksjökull 1,2"	49 skota	19.900 kr
Flatey 1"	49 skota	14.900 kr
Borgarnes 0,8"	100 skota	9.900 kr
Fullt verð:		44.700 kr

TILBOÐ: 19.900 KR

TILBOÐ 2

Sprettur 0,8"	300 skota	29.900 kr
Sprengisandur 1,9"	25 skota	19.900 kr
Borgarnes 0,8"	100 skota	9.900 kr
Papey 1"	36 skota	6.900 kr
Fullt verð:		66.600 kr

TILBOÐ: 29.900 KR

TILBOÐ 3

Garðabær 1,2"	138 skota	49.900 kr
Grindavík 1.2"	121 skot	39.900 kr
Ólafsvík 1,2"	88 skota	29.900 kr
Papey 1"	36 skota	6.900 kr
Fullt verð:		126.600 kr

TILBOÐ: 49.900 KR

Pantaðu tilboðin þín núna, sími 522 2222



BOMBA flugeldar
Víkurbvarf 6 – Kópavogur
bomba.is – Sími 522 2222

Við styrkjum



LJÓSIÐ



Flugeldar og dýr eiga enga samleið

Nauðsynlegt er að huga að dýrum um áramót, þau skilja ekki frá hverju ljósagangur, hvellir og púð-urlykt stafa og geta fyllst óryggi. Til að hjálpa dýraeigendum hefur Slysavarnafélagið Landsbjörg tekið saman ráðleggingar þar sem farið er yfir atriði sem vert er að hafa í huga um áramótin.

- Best er að dýr séu ekki úti á gamlársdag og þrettándanum.
- Gott er að draga fyrir glugga á gamlárskvöld og hafa útvarp í gangi þannig að hvellir og ljósagangur að utan hafi minni áhrif.
- Dýraeigendum er bent á að hafa sérstakan vara á þegar farið er í gönguferðir og útreiðartúra á þessum árstíma. Þeir sem eiga ekki hesta eða gæludýr átta sig síður á því að hvellir og ljós geta fælt skepnur.
- Flugeldar og dýr eiga ekki samleið. Aldrei skal vera með dýr sem verið er að skjóta upp flugeldum.



Eftirlitið hert

Áramótin fram undan verða þau síðustu þar sem Íslendingar geta keypt stærstu flugeldana og terturnar sem hafa verið seldar hingað til hér á landi. Þann 15. janúar 2017 gengur í gildi ný reglugerð frá Evrópusambandinu sem Íslendingum er gert að innleiða. Þar er allt eftirlit með púðurinnihaldi flugelda hert til muna og magn þess takmarkað.

Markmið nýju reglugerðarinnar snýr fyrst og fremst að því að auka öryggið kringum flugelda og minnka slyshættuna, frekar en að minnka mengunina sem hlýst af notkun þeirra.

Vöruúrvalið á sölustöðum flugelda á næsta ári verður því frábrugðið því sem nú er en hingað til hafa mun öflugri flugeldar verið seldir hérlendis en í nágrennalöndum okkar. Þrátt fyrir lagabreytingarnar gera innflytjendur flugelda ráð fyrir góðu úrvali á sölustöðum undir lok næsta árs. Til að mynda verða áfram leyfðar allt að 100 skota tertur auk þess sem nýjar vörur munu vafalaust leysa þær eldri af hólmi eins og gerst hefur áður þegar vinsælar vörur hafa verið bannaðar.

FLUGELDAR Í ÞÚSUND ÁR

Flugeldur er nokkurs konar hylki eða rör úr pappír með púðri í. Flugeldar þróuðust í Kína fyrir um þúsund árum í framhaldi af því að púðrið var fundið upp. Púður var upphaflega gert úr víðarkolum, brennisteini og saltþétri. Þegar kviknar í púðrinu verður sprenging og hiti og ljós myndast. Litadýrð flugelda fæst með því að setja ýmiss konar málmflögur í púðrið. Í upphafi voru allir flugeldar hvítir á litinn og var þá sett duft af áli eða magnesíum út í púðrið. Þau efni

verða mjög björt og glóa þegar þau hitna. Síðar voru notaðar stál- eða járnflögur til að framkalla gula liti. Flestir litir sem einkenna flugelda í dag þróuðust á nítjándu og tuttugustu öld. Fyrir nítjándu öldina voru aðeins framleiddir flugeldar sem voru hvítir, gulir eða appelsínugulir að lit. Á nítjándu öld var farið að búa til rauða og græna flugelda, en bláir og fjólubláir flugeldar þróuðust ekki fyrir en á tuttugustu öldinni.

Heimild: Vísindavefurinn





STJÖRNULJÓS

BYRJAÐU SÝNINGUNA HJÁ OKKUR!

FLUGELDASALA



SÖLUSTADIR:

FLUGELDASALA.IS

DALBREKKA
KÓPAVOGI

REYKJANESBÆR
DUUSTORG



SMÁVARA



GOS



BLYS

www.stjornuljos.is

Opunartímar:
28-30. des. 10:00 til 22:00
31. des. 09:00 til 16:00

Netgiró



STJÖRNULJÓS
FLUGELDAR